



樂善堂全集卷十五

賦

耕藉賦并序

皇上御宇之五年青帝司方之二月春風普扇

陽德方亨

天子乃耕於千畝之田禮也臣聞聖王務本耕

藉以勸農功明主孝親親推以供祀事

我

皇上孝以事

親勤以率民二載甲辰既耕加一茲又

躬行耕藉之禮急粢盛重民食致誠匪懈其典

則隆洪惟我

皇上道洽天人化霑草木誕敷文德廣運聖謨

渥澤周於羣生至治昭乎天壤乃猶頻

興重農之典時勤保介之咨追厥唐虞
播種之踪爲彼率土民人之勸萬衆觀
儀上農終畝迨厥秋成登於天廩薦之

皇天供於

祖考臣知

皇天

祖考鑒

皇天

卷三十五賦

二

皇上之精誠歆

皇上之大孝必錫嘏降祉永保無疆明德惟馨
聿懷多福臣不勝踴躍懼忭之至謹拜
手稽首而獻賦曰

繫惟重華之命稷兮播穀實繼乎禹功必烝民
之粒食兮始風動而時雍親耕肇於姬籍兮意
往聖之皆同我

大君之首出兮屢三推以勸農豈玉食之是享
兮惟簞簋之虔供秉耒耜以率先兮符澤物之
元功於是春陽初布青帝司方嘉萬物之昭蘇
值千卉之勾萌農祥既見土脈方昌協風應律
陽氣滋彰

皇帝乃順月令撫嘉辰念民力飭甸人當前期
而致敬用有事於青春於焉載師清畿封人淨

樂善堂書
卷三
路常伯獻儀掌舍設榘爾乃青壇蔚其聳立華
葦森其崔巍雲移翠幕柳拂青幃啓千畦之平
壤欣四塗之腴肥逮夫元辰旣屆曉色方鮮
天子則御藻冕佩蒼璵被龍袞鳴和鸞載青旂
揚朱旄接游車之鱗鱗施梁輶之戔戔爾乃稷
宮將近樂具班陳

天子乃降御輦饗農神祈嘉穀焚燎薪禮成而

退有事藉田衣被襪禩趾履陌阡王侯衛後虎
賁導前太僕秉轡牽牛奉鞭乃歷廣場撫御耦
執縻手底不辭瘁乎三推載耒御間試躬親乎
千畝王公卿貳或五或九白叟黃童歌呼奔走
維誠敬之聿昭知樂愷之孔厚於是黛耜方輟
紺轅遂旋雨廉纖以灑潤風縹緲而淨天侍從
偕來睹

樂善堂文集卷三
樂善堂文集卷三
天顏之有喜馨香上達卜慶兆於豐年夫元鳳
下親耕之詔永平垂開藉之篇魏主望公田而
發趾晉帝帥羣后以祀先尚傳爲古今之盛事
並書之史冊而爛然况乎我

皇至仁大知旣事治而府修亦成天而平地修
稼穡以勤民謹神倉而歲事所無逸以知艱重
明粢而將祭三春暖兮播百穀四野寧兮進雙

穗也哉乃爲之歌曰田之興兮稷之功澤萬物
兮助鴻濛我

皇展事兮千耦其同和協天人兮一哉

皇衷旣耕旣耨兮我稼其豐爰播爰植兮麻麥
朦朦又歌曰思樂甸畿千頃其耦

鸞輅載臨

躬耕其畝登於秋廩斯箱斯倉薦之

宗廟供之明堂神之格思綏祉無疆
一人有慶永奠萬邦

四時勤政賦

惟聖人之建極兮法天運以自強
歷四時以勤政兮亦日就而月將
堯兢兢而舜業業兮萃芳軌於我

皇禹惜陰而湯浴德兮緊日進以無疆
道既立

而化淳兮美光天之徧育如雲日之爲瞻兮統
要荒而臣服大哉

帝德輝光被乎八埏允矣

皇風恩波沃乎四瀆爾其一日萬幾宵衣旰食
誦抑戒陳無逸昧爽丕顯夜以繼日旣勞謙而
匪懈亦健行而不息勤問夜於未央雖寸晷而
猶惜若乃春居東以首歲夏居南而執衡秋居

西而司藏冬居北而主成春動也物以之起夏
任也物以之生秋收也物以之結冬凍也物以
之貞聖人推本萬物之理而欽象四時之行政
刑準之以有度治教由是而皆平燠寒應候而
時若雨暘順序而咸亨此吾

皇四時之勤政而用致九有之和寧者也又若
政要書屏箴規刻珮日移崇政之餐汗浹延英
之背彼古事之云遠睹今茲之盛代屢夕惕與
朝乾用持盈而保泰信日昃而弗違豈臣鄰之
可貸

聖主圖治以勵精庶政分司而用又於是喜而
歌曰九鼎奠兮泰階平

皇風普兮庶物亨萬邦惟懷兮歌永清

帝心猶戒兮無荒寧朝夕兢惕兮象天行錫極

都迎春之令典而萬國莫敢不來同者也於是
勅庶司決獄訟非終必赦惟祥是用象暖律之
發生乃省刑而寬衆又若降制詔勞三農助萌
陽勸田功法恩光之普扇布仁政以胥融於斯
時也戶裊綵旛簷飛輕燕柳綠綺宮梅榮芳殿
和風拂兮簾惹遊絲暖日長兮鶯啼現睨金屏
麗而帖寫宜春寶扇開而漏傳玉箭溥禁裏之

春光煦閭閻而皆徧乃爲之歌曰迎東郊兮肅
以將舞雲翹兮歌青陽乘時布令兮德施長億
萬斯年兮紀春王

喜雨賦

客有駕輶軒乘雲輶展軫乎南畝縱轡於東郊
遨遊容與徘徊逍遙爾乃白雲起乎空谷甘霖
降於崇朝震雷燿燿飛電爍爍乃往田舍而息

焉有二三老人逡巡而前曰斯雨之降時則時
矣膏澤之濡普而施矣抑誰之功乎請吾子明
言以告之客奮袂而起曰猗歟休哉盛世之民
也飲其德而不知其力坐吾明語子方今龍飛
九五聖人在位德配乾坤功參天地精誠通於
神明政教化乎萬類故上天眷命俾雨暘時若
而萬方以治乃致含哺鼓腹耕田鑿井者實不

知帝力之賜也老人曰聖人之德某既知之矣
請吾子賦雨之澤及蒼生者可乎客曰若夫金
鳥收景層陰蔽空雷殷殷以振響電灼灼以搖
紅鼓河伯之驚濤湧海若之幽宮瀉天池之巨
浸走萬里之長虹遠迷三島近失千峰迴生意
於衆卉消渴望於三農此則雨之方作而其勢
最雄也乃其雲開雨止霽景澄鮮山宛宛其染

翠木蓊蓊其逞妍鳥嚶嚶其鳴樹草芊芊其含
烟柳暗歸鴉簷喧乾鵲槐影濃兮庭宇清花陰
轉兮簾櫳薄纖歌動兮高樓紅袖飄兮綺閣細
帙開兮芸編博山焚兮繡幕莫不欣膏澤之滂
澍喜霽聲之頻落此又雨之既足而萬方共樂
者也至若烏犍耕白水之涯黔黎藝綠野之畝
白叟歡呼黃童奔走土脉既滋兮禾麥如雲灌

漑不勞兮田疇以阜爾倉爾京爾荷爾負此又
二三子所終日服事而知利我之孔厚也於是
老人倚杖而歌曰雨玉不可食兮曷若嘉苗滿
目屯黃雲雨金不可衣兮曷若五風十雨利耕
耘惟天降康兮稽首蒼旻惟皇感天兮永眷日
勤千秋萬歲兮樂吾之君

秋陽賦

樂善堂全集 卷五
樂善堂全集 卷五
有畏炎公子駕輕車乘駟馬停驂乎曲畛展軫
乎廣野見秋陽之高曝看流光之徐下乃油然
而喜曰此其蓐收司乎三秋祝融謝於九夏故
炎者變而爲晶畏者化而爲愛也懸清大夫過
而揖之曰公子之樂秋陽者徒以昔之炎爍今
之清明也愛其溫和而畏其歎蒸也不知寒暑
相遷而陰陽相生請爲子賦秋陽之功而萬物

以成可乎懿夫坤兌司方商金屆時潦收寒渚
波淨橫池肅肅兮爽氣森森兮梧枝萎芳蘭之
茁茁燦黃鞠之離離於時日出扶桑耀乎東方
六螭爰騁兮光熒熒而閃閃九道發輝兮氣灼
灼而煌煌商飈助其清暉闐闐翼以高翔明無
幽之不照朗無微之不彰爾其金門朝啓玉漏
初宣千官鵠立百辟鸛聯晃朗兮照帝座而明

樂善堂集 卷五 賦
袞展熠焞兮浮鳳繖而映龍旃合璧兮彩煥抱
珥兮祥連魯戈返舍兮彼詭誕之徒爾漢世再
中兮亦荒唐之空傳豈若炳煥彤庭霽貢金之
來萬國焜煌玉闕恍會海之致百川哉又若六
街三市甲第崇隆庭懸肆堵席列千鐘當秋日
之清爽兮喜拂筵之金風愛蜿蜒之六龍兮惜
光景之融融緣隙通輝乘虛炫彩園林掩映以

潔清庭宇當空而爽塏散菊圃之叢金靠桂苑
之珠彩信照耀之無私而盈虛之莫改亦有黃
雲滿目稼穡在望多黍多稌千倉萬箱朗旭高
懸兮舒農甿之炙背肅霜惟時兮屆穀麥之登
場歌堯年兮大有樂舜畝兮盈筐至若榆關罷
戍玉塞安兵萬里寒光兮生鐵戟三邊曙色兮
動危旌喜烽烟之久息俄懷鄉之念生爍彼瑯

樂善堂文集卷五
三
弓耀茲寶鉞莫不壯戰士之雄心蕩邊氛於窮
髮乃其林泉曠達隱士高人此日兮何日幽蘭
兮可紉霜零我園兮秋早露泫我徑兮清晨羨
朗日之一照旋洗垢而滌塵是察察而皓皓者
庶比潔於秋旻於是公子撫掌而歌曰秋容淡
兮秋日明冒萬物兮晶以熒惠我百穀兮登西
成吾欲繫之兮以長繩

秋月賦

倏祝融之整轡值少皞之司辰炎威漸遠薄寒
中人蓋秋之爲序也律中商金時爲兌庚鴻雁
南翔稼穡西成天寥寥其氣爽野颯颯而風清
元蟬鳴兮烟霏雲斂白露降兮天高日晶則有
月出東岡影照高樓歷玉繩而朗徹映銀漢而
光流雖耀明於四季羌獨皎乎三秋增候蟲之

樂善堂集 卷五
吟砌動懷人之溯游朗映桐門何用囊螢之分
照斜穿蘿屋聊資書案之校讎想夫榆塞征夫
香闈弱女約計刀環輪看日杵乍驚念遠之思
俄動懷鄉之舉願逐月兮照君奈良宵兮獨處
亦有管絃沸乎綺閣觥籌錯乎華筵皎若燭龍
之照清如水鏡之懸坐花交玩宴笑年年心觸
景而增快情隨事而旋遷豈如對長編而朗然

入座揖讓咏歎乎古先招金魄兮比素懷之高
潔邀桂輪兮恍予美之周旋彼尋常之欣戚烏
足與較後先哉歌曰耀素魄兮天之上寒輝皎
皎兮攬不盈掌通冥洞幽兮人共仰我清我心
兮常如斯朗

風不鳴條賦

伊出谷之祥風兮當化日之和熙秉異德之柔

樂善堂集卷之三
五
順兮呈至瑞於明時既徐徐而冉冉兮亦習習
而怡怡應律呂而合度兮宣鬱滯以交披汜蘭
蕙之芳心兮拂桃李之柔枝其來也不疾其去
也若遲樹影閒而翠張圓幄天籟靜而晴裊游
絲枝上鳥棲巢豈憂乎搖落林間燕過羽何有
於差池至若三春解凍九夏吹薰秋苦淒其之
景冬傳感發之聲雖應候而潛改或觸物而斯

聞孰若表瑞於盛明之世呈和於熙皞之辰入
楊園而輕飄白絮拂草徑而纒偃青茵水漾平
湖間漪紋而皺縠天開廣漠不走石而飛塵爰
報五日之期方縈萬年之樹豈摧夫玉蕊之花
莫搖乎金莖之露長養資於王化符瑞兆乎休
祚斯泰平之嘉徵爰操觚而作賦

仲冬時令賦

觀光子問於燕都主人曰若夫暑往寒來陰陽
聿遷黃鐘節屆斗柄北旋衆芳搖落雲凝冰堅
澗無聲兮泉結山積雪兮峰添則有寒松挺翠
古栢凌烟負朝日於戶外圍紅爐於檻前羌讀
書而觀史時流覽乎陳篇斯固鄙野冬日之樂
也願吾子言皇都仲冬之時令而予清心以聽
焉主人曰坐子與而言歲杪星窮一陽初復北

陸陰凝元冥氣肅萬物歛藏生意乃足於是天
子觀四郊而息老合萬國而朝宗秉元珪以正
位乘元輅以勞農事神率禮陳簋薦琮觀詩獻
籍考鼓拊鐘藏冰伐木布政雍雍斯固帝王順
時令施仁恩而萬國來同者也若乃時當農隙
校獵觀兵雲騎電戟鐵甲金鉦山川震耀天日
增明乃駕青驄命駟馬挾弓矢以橫驅逐麇麋

於平野圍開三面頻施祝網之仁射法三驅豈
用蔽雨之瓦於是論功行賞布澤施仁三等以
殺旣富旣勻以奉乾豆以燕嘉賓斯則因時講
武而莫敢不來臣者也至若上林芳樹更萬年
而不改御苑名花歷三冬而常在波凝太液儼
然玉鏡澄光雪冒瓊林朗若銀屏煥彩啓瑤殿
而寒不侵過禁園而春可待此又皇家之氣象

而蓬萊之勝概也於是觀光子起而言曰大矣
廣矣皇都之爲冬也如是此固鄙人之所願聞
而吾目之所未視者也爰乃遷延辭避心竊喜
而不止

以賢爲寶賦

繫晉國之強臣兮乃恃富以自矜彼楚邦之賢
使兮獨專對之可稱彼鳴玉而問白珩兮炫珠

玉之富以相陵我寶在賢而不在玉兮以此見
楚之用與國有大夫名觀射父能作訓辭博通
今古寡君寶焉詞命是輔又有左史倚相能道
訓典以叙百物以補袞冕寡君寶焉愆忘可免
若夫雲夢之藪徒洲是連金木竹箭之精龜珠
齒角之堅備賦用而國可富戒不虞而祚可綿
要必有致理之輔經國之賢訓詞以通其意幣

帛以達其虔明神相其福黎民歌其賢斯則寡
君之大寶而白珩何有焉於是簡子喪其所懷
口不能對愧面作顏忸怩而退

燈花賦

夫何三冬之夜永兮聽玉漏之丁丁耿宵寒之
不寐兮羌讀史而論經對銀燈之熠爍兮何用
夫隨月與囊螢松風蕭蕭於戶外兮爰閉窓而

樂善堂集卷之三
掩櫺獨兀坐於幽齋兮賴詩書之是娛引短檠
而置前兮瑤篇卷而復舒注膏油以續餘燼兮
光燦爛而晃如何生意之忽發兮開花朵於斯
須曾不根而自華兮焰炯炯而扶疎萼蓓蕾而
金輝兮葩晶熒而錦敷丹艷灼灼兮火蕊煌煌
離精發瑞兮內隱外光飛蛾嬉其來往兮恍如
蛺蝶探擷乎春芳乍蔽乍虧兮若續若離匪青

匪綠兮叅錯歲蕤可遠觀而不可近玩兮花無
葉而有枝歷四時而皆榮兮又如火蓮冬秀乎
雪池爾乃釵綴玉蟲兮枝堆寶粟光炫縑緗兮
影搖帷幕度長夜之迢迢兮喜銀缸之續續靜
對而意蕊欲生閒吟而筆花交錯方作伴於形
影兮信有佐於誦讀若夫庭燎通晨九華達旦
雞踏蓮花之巧龍銜火樹之艷麗乎未央之宮

燦乎承明之殿斯金闕之壯觀豈書齋之清玩
又若帝城三五上元佳時鼇峰千仞金蓮萬枝
縟綵與繁光共絢銀花與寶炬爭奇固游觀之
雜選非靜賞之所宜乃爲之歌曰幻非幻兮色
可親實非實兮報先春朗瑤室兮席上珍照芸
編兮日日新

瑞芝賦

伊大造之神妙兮生萬物而不遺何嘉祥之不
應兮產九莖之仙芝朱柯龍蟠以鳳翥兮九光
掩映而參差珍叢霞蔚而雲蒸兮五色繽紛以
陸離沐雨露之膏澤兮紫蓋燦以低垂形如龍
而如馬兮分房發秀而紛披靈幹不阿兮衆葉
類附而葳蕤榮而不華槁而不枯兮色映瑤光
而呈奇薜荔杜若不足以喻其美兮何言乎蕭

艾與菘菹彼漢代之遺賢兮乃採芝而自遣赤
松子之求仙兮亦服火芝之神散瓊英繞殿兮
徒聞王母之臺靈草成田兮空說處妃之館傳
於雜志兮恢奇猶近於齊諧觀是聖朝兮瑞應
實光於盛漢歌曰人情爲田兮至治彰四靈爲
畜兮品物昌川嶽儲精兮三秀芳貞符耀德兮
與天長

鳳凰來儀賦以聖化感乎泰平瑞應爲韻

惟

聖皇之建極兮膺九五之寶命沛仁恩於四海
兮教化洋溢乎萬姓天不愛道而地不愛寶兮
百福畢致而延慶乃威鳳之翔集兮符

一人之神聖嘉彼休徵應我

王化向畿輔而高騫覽德輝而載下惟羽族之

三百實超羣而莫亞

聖德惟純祥禽潛感稟鶉火之靈曜資和氣之融暖信鹿後而麟前亦雞喙而燕頷必梧桐之是棲非琳瑯而不噉爾其九苞六像兮五色紛敷戴仁纓義兮蹈信惟孚負禮向智兮順德不渝晨鳴賀世兮飛鳴郎都行鳴歸嬉兮止鳴提扶是皆斯禽之神異掩餘瑞於瑤圖者也若夫

黃帝阿閣之巢雝雝喈喈帝嚳六英之舞萋萋
翩翩虞廷來儀而神人格岐山和鳴而聖道泰
孰若當郅治之休明集王畿而遠邁曠千古而
一覩昭德感於

聖代是以六府治九功成金甌固泰階平上瑞
駢臻歡聲徧乎閭里嘉祥疊奏喜氣達於寰瀛
乃爲之歌曰鳳凰來兮

樂善堂全集卷十五
皇之瑞集天畿兮拱

帝位

帝德光被兮靈祥萃

聖心彌寅兮勤自治敬

天貺兮罔或肆又歌曰吉士藹藹鳴鳥協應曷

由臻茲我

后德盛萬有千載遐荒安定

樂善堂全集卷十五

樂善堂全集

卷十五

三

樂善堂全集卷三



